



Peter Olsen  
Inatsisartuni ilaasortaq, Inuit Ataqatigiit

**GUX Aasianni kantiina pillugu §37-mut apeqqummut nr. 68/2020-mut akissut**

19-05-2020  
Sagsnr.  
Dok. nr. 10941081

Asasara Peter Olsen,

Postboks 1029  
3900 Nuuk  
Tlf: +299 34 50 00  
Email: [ikin@nanoq.gl](mailto:ikin@nanoq.gl)  
[www.nanoq.gl](http://www.nanoq.gl)

Qujanaq apeqqutinut, Inatsisartut suleriusaat malillugu apeqqutigisimasatit ataani akissavakka.

**Apeqqut siulleg:** Avannaani Ilinniarnertuunngorniarfiup kantiina atorunnaagaa Gammearfiup eqqaaniittoq tuniniarneqareerpa?

- a) Aappiuppat; kikkunnit pisiarinqarpa sumullu atortussatut naatsorsuutigineqarpa?
- b) Naamiuppat; sooq ukiut sisamat tuniniaruusaarlugu paamaarunneqarsimava?

**Akissut:** Kantiina tuniniarneqanngilaq. Kommune Qeqertallip kantiina Majoriaq Aasiaat ataanni atortussanngorlugu 2019-imi aasakkut tiguaa.

**Apeqqutit aappaat:** Kiassarnermut aningaasartuutit qaffasippallaarnerannik atuisuusimasut oqariartuutigineqartoq Naalakkersuisut qanoq oqaaseqarfigisinnaavaat?

- a) Kiassarnermut aningaasartuutit qaffasippallaarsimanerannut suna peqquataava?
- b) Kiassarnermut aningaasartuutit appartinniarlugit Naalakkersuisut piginnittut qanoq pilersaarusiornikuusimappat?

**Akissut:** Ilinniartitaanermut Naalakkersuisoqarfiup ilisimasaqarfiginngilaa, siuliani atuisunit kiassarnermut aningaasartuutit annertugineqarsimanerat. Naalakkersuisoqarfiullu taamaallaat ilisimasaqarfigaa, GUX Aasiaat qaffasissunik aningaasartuuteqarsimasoq Kommune Qeqertalimmi piffissami sivisunngitsumi akiligassat ataatsimoortinneqarnerat pissutigalugu.

**Apeqqutit pingajuat:** Ilinniartut ineqarfii kantiinap eqqaaniittut ilinniartut ineqarfiinik nutaanik taarserniarneqartut pillugit suliaq sumut killippa?

- a. *Nutaanik taarserneqarnissaannik suliaq uninngappat ilinniartut ineqarfii atorneqanngitsut taakku tuniniarniarneqarpat?*

**Akissut:** Pilersaarussiaq pilersaarusiormi suliariumannittussarsiuunneqarpoq, isumaqatigiissuteqarfigineqassallunilu ilinniartut inaasa sanaartorneqarnissaat kiisalu pioreersut ilinniartunut ineqarfiit iluarsartuunneqarnissaat anguniarlugu, taakkulu akuersissutigineqarnissaat utaqqineqarpoq suliat aallartinneqarnissaannut.

**Apeqqutit sisamaat:** *Kantiina suli tunineqarsimangippat Kommune Qeqertalimmut tunniutiinnarneqarsinnaananut isuma Naalakkersuisut qanoq isumaqarfigaat?*

**Akissut:** Ineqarnermut Attaveqatigiinnermullu Naalakkersuisoqarfiup paasissutissiissutigaa, Naalakkersuisut kommuninit saaffiginnissutit pitsaasumik isiginiarneqartut, pingaartumik immikkut sanaartukkat atorneqanngitsut eqqartorneqartillugit, tunineqarsinnaanissaat eqqarsaatigalugu. Innersuussutit tassani suliamit suliamut ingerlanneqarput.

**Apeqqutit tallimaat:** *Tassunga tunngasumik Naalakkersuisut allamik oqaasissaqaarnierpat?*

**Akissut:** Naalakkersuisut suliamut allamik oqaaseqaatissaqanngillat.

Inussiarnersumik inuulluaqqusillunga

  
Ane Lone Bagger